

شما شر جي آخر زمن

لو جنابه صاحي ما ينامش
لو طال عمره واقف
ما يقعدش
من غير تفكير
ينفذ الأوامر
يبذل مجهود خطير
عشان ينول الرضا.
مش سكرتير

ومش دراع يمين
ومش كاتم أسرار ه.
هو ناقل مسار
كل اللي حواليه
قال إيه مسئول تلبس
يلبسه الهدوم
يلبسه البوت
ويربط له الرباط
ويعرِّفه طريقة
ضربنا بالشلوت.
آهو جاي يقعد معانا
وعمال يشتكي!
يطلب منا احترامه
هو مش واخذ باله!
إنه بيسلمه عمرنا
بمتهى البساطة!